



Mèt in dees edisie:

- Proklamasie Prins Dirk II
- Proklamasie Jordy I & Laura I
- Prinsezitting 2012 veur en nao: ein fotoreportaasj
- Kinder staptj oët de Eurozone
- Belspellekes trök van weg gewèest!
- Goegel straatzicht lègtj ugge privé bloët!
- Tattoo Jos in paniek nao doortocht Sinterklaos!
- Zinge ônger den doesj binnekort tege betaling.
- Wistj gèe...
- Mòppe

Woordje vanne Vorst

Dao waas get oët aafgeloupe jaor in Kinder! Ôs fusiej bestông mer leefst 40 jaor en det is miër es het gemiddeldje huwelik! Ein sjoëwn prestasie. Veur de gelegenheid hóbbe wèe ein aantal luuj oët ôs dörp nog ins gevraagdj nao waat veur hun het sjoëwnste of meist memora-bele momentj waas in diëj 40 jaor. De resultate van dees enquête kintj gèe wiëjerop in dees gezèt lèeze.

In het kader van 40 jaor Kinder haaije wèe trouwes es Rabbedabbers achteraf bekeke gein sjoëwner momentj kinne oëtkeze veur de al-lerierste zomercarnaval in Kinder. Want, minse, ouch det waas eine primeur!

Op vasteloavendj gebeed kin ich allein mer zègge det Kinder heet laote zien det ze de carnaval ei werm hart toëwdrage. Gèe woordj in groëwte getale aanwezig op den 11dje november en oppe Prinsezit-ting koste wèe ôm 8 oor al oppe köp loupe! Dèe ter neet waas heet dao vast en zeker spiët van! Dao waas zelfs ein uniek optreeje van alle Prinse oët de fusiej! Mer: neet getreurdj want ouch volgendj jaor stuit ter opnoëw ein fantastische zitting op het program. Iërst gaon wèe ter – same met uch – kômendje zôndig en maondig ei geweldig fiëst van make. Kôm ter allemaol massaal oët veur de stoet en het verklëdj bal en den kinne Prins Dirk II, Prinses Inge I, Jeugdprins Jordy I, Jeugd-prinses Laura I en de Kinderse Rabbedabbers fier zien op Kinder!

Genôg gezag, het ging eigelik euver 'het woordje' vanne Vorst. Ich hób ter lank euver naogedacht welk woordje de meujte is ôm verkoze te wèere en bèn beginne zeuke in ôs riëke dialect. Miën veurkeur geit zoëwiezoë oët nao ein woord waat iërst en veural apaart is en waat ein bitje de vergèetelheid is in gesukkeldj. Ouch môt het op ziën minst get mèt de carnaval te make hóbbe, al is het van wiëd.

Ich wil den ouch biëj deze zègge det het woordje van dit jaor zal zien: 'mooshoofpaad'.

Kinder: Alaaf!

Jeugdprins Jordy I en jeugdprinses Laura I Prins Dirk II en prinses Inge I



Proklamasie PRINS DIRK II

Mèt de grasiej vanne Veurzitter en miène veurgandje Prins, mèt de zèege vanne aoj-prinse verklaor ich hiejbiej vandaag mièn èllef punte.

Ten ièste :

Ich, Dirk Bogie, veul mich de kōning te riëk. Want ich maag uch vertèlle dèt ich dit jaor door het lèeve kan gaon es 35^e groëwte prins vanne Rabbedabbers van Kinder es : **Prins Dirk den 2^e !**

Ten twiëdje :

Ich gaon neet allein van dit prinsejaor geneete, dao is ein hiël spciaal vrouw in mièn lèeve die dit jaor aan mièn ziëj zal staon es: **Prinses Inge de 1^e!**

Ten dördje :

Wèe hōbbe ônger ôs twië al eine kleine prins en ein klein prinses. Jelle en Niene: eine zoon van 8 en ein dochter van benao 6!

Ten veerdje :

Ich ben nogal redelik fanatiek in het voetbal aane gang. Ich sjot biëj de Apache '09 en ouch sjeidsrechter en trèener bèn ich al lang. Miène zoon löpt trouwes ouch biëj KFC achter de bal. En mièn dochter hōbt gèe al biëj de All Stars gèzeen, die kan det nog al!

Ten viëfdje :

Het Scheyerveldj is mièn toësbasis al jaore aan ein stök. Es mörge dao eederein kumptj seere, den weurdj het good drök! Mer iërst en veural zètte wèe hiëj vanaovendj nog effe ein tèt. Manskèerels: es de vroluuj zègge "Sjat, wèe gaon heives," gaotj den veural neet mèt!

Ten zèsdje :

In ein vreuger lèeve zaat ich biëj de Ertebiëters en noëw maak ich mèt het sjoën wèer biëj de karnavaliste vanne Sjans. Dèe wage veur dèe van mièn Prinses en mich dit jaor, dao gaon ze zich gèeve, det weit ich noëw al hiële gans!

Ten zeevendje :

Mer dao geit op 19 fibrewariej veul miër oëtzeen es allein op dèe lètste wage. Es eederein volle bak mèt duit en Kinder kumptj masaal oppe straot, den heet neemes get te klage!

Ten achtste :

Nateurlik is iërst den 28^e janewariej mièn groëwt Prinsebal, ich



loup get te snel veuroët! Eederein welkom veur ein gooj pint of eine hotdog met ein woost en veul zoor kroëd!

Ten neegendje :

Op het jeugdbal wèere mièn Prinses en ichzelf op ein spiksplintjernoëw jeugdprinsepaar getrakteerdj. Wèe gaon den mèt ôs geveere ein geweldig carnivalsseizoen van make, zoëdet het aan niks neet mankeerdj!

Ten tiëndje :

Es ter nog groepe zeen diëj mèt wille doon aane stoet, mer neet weite wiëj ze det verkske mōtte wasse? Es het veur te branne en te sjnirke is staon ich paraat, want ik ben liëraar lassen!

Ten Èllefdeje :

Ich beloof uch allemaol hiëj aanwezig, veur het kōmendje jaor en op eeder fiëst. Eine topambassadeur veur Kinder te zeen, ich gaon mich gèeve wiëj ei biëst. Ich wil den ouch noëw alvast danke: eederein dèe achter mich stuit, dèe deze aovendj meugelik heet maaktj en ouch miène veurganger Prins Jos, ôm neet biëj ziën aafgaon te janke.

Mièn leuze veur dit jaor zal dèn auch zeen :

**Doot de glaze mer snel vol,
en maak mèt Prins Dirk
plezeer en lol!**

Gedaon te Kinder inne sporthal oppe 35^e prinsezitting van 14 janewariej 2012 door ugge 35^e groëwte prins van de Rabbedabbers van Kinder, Graaf van het Scheyerveldj, Hertog van Roëd-Gèel en Greun, Baron van lasbaget tot vōnk, Ugge euvergelōkige **prins Dirk de 2^e.**

Proklamasie

JORDY I & LAURA I

Ten Ièste:

Ich bèn Jordy Moonen, zoon van Franky Moonen en Kathleen Smeets. Mièn zöster Lotte is mich in 2009 veuraaf gegaon es Jeugdprinses, mer dit jaor is het aan mich. Dit jaor bèn ich Jeugdprins Jordy den ièrste!!!

Ten Twièdje:

Ich bèn Laura Janssen, zöster van Brecht en dochter van Freddy Janssen en Sabine Poelmans, diëj in 1991 Prins en Prinses van Kinder zeen gewèest. De karnavalsmicroob hōbbe ze ouch aan mich doorgegeëve, want dit jaor moogt gèe mich aansprèeke es Jeugdprinses Laura de Ièrste!!!

Ten Dördje:

Aan mièn juffrouw Nele wil ich zègge: maak in de klas mer get plaats en verseer de vinsters mer sjoëwn. Want tot aane stoet get mièn bank weg, dao kumtj inne plaats miène prinsetroën!

Ten veerdje:

Ouch juffrouw Sofie maag ins hiël deep beginne nao te dinke wiëj ze mich de kōmendje tièd inne watte get lègge. Ich zou gèer ouch ein sjoëwn verseerdje klas en get minder hoëswirk wille, det wou ich uch al effe zègge!

Ten vièfdje:

Veur ein good kōmpjoeterspelleke te speule moogse mich altièd rope of wakker make. Mer op het wiekendj vanne Kinderse karnaval neet, den zal ich ter neet gerake!

Ten zèsdje:

Lasagna hōb ich gèer, dao moogse mich eederen daag ei stökske van gèeve of nog leefst ein hiële sjaal! Den kan ich deile mèt mièn kamereuj enne familie, want zoë bèn ich ouch waal!

Ten zeevendje:

Lasser wèere geliëk ôzze groëwte Prins is echt eine droum van mich. Ich las nog oëits veur de Rabbedabbers eine noëve wage, det zèg ich dich!

Ten achtste:

Waat ich later wil wèere, dao dink ich op dit mōmentj nog neet



euver nao. Mer es dèe noëve wage veur het ièrst in Kinder stoet rièdj, den bèn ich ouch dao!

Ten neegendje:

19 fibrewariej, det is de groëten daag vol ambiance en meziëk! Kōm allemaol nao Kinder stoet, den veul ich mich de Prins te riëk!

Ten Tièndje:

Ich vinj karnaval super, het is ein prachtig fièst vol plezeer en lachendje minse. Good wèer en veul volk langs de straote is al wat wèe ôs kinne winse!

Ten Èllefde:

Ôos leuze veur dit jaor zal zeen:

**Mèt Jordy en Laura
es jeugdprinsepaar
geit het vonke gèeve,
En kintj eederein dèe det wiltj
eine superkarnaval belève!**



Prinsezitting 2012 veur e



n nao: ein fotoreportaasj

Krukken van Vorst Mark en Jo Kwaspén staon klaar!



De jaorige reus vanne Brookhook is dit jaor 33 gewore en trakteerdj de Rabbedabbers op Jägermeister, vlaai en striptease!



Senol bringtj kebappe langs veur de road van elf om op ei good bleedje te staon. Wiltj hèn kômendj jaor missjiën Prins wèere?



Kinder staptj oët de Eurozone

Wèe zeen het meug! Naodet Jo Brouns trök kwaan van ein vakansiëj in Griekelandj waas hêe neet te sprêeke euver wiëj det het dao ter aan toëw ging. Geldj waat desse mèt paks is nao ein paar daag niks miër wèerd. De Grieke hōbbe zelfs munte laote make van 0 euro!
Ômdet de krisis nog lang neet achter de rōg is heet het gemeindjbesteur beslist òm euver te



stappe nao ein sterke munt diëj neet snel in waarde zal dale: de rabbedabber!

Burgemeister Brouns meldj detter ouch nao het carnavaalswiekendj euveral mèt rabbedabbers betaaldj kan wèere. Gèe kintj uch euro's in kōme ruile veur rabbedabbers inne fanfarezaal nao de stoet of eedere wirkdaag in het gemeindjehoës.

Bespellekes trök van weg gewèest!

Sinds de luuj van Basta mèt eine ôngercover acteur de bespellekes hōbbe weite aaf te sjaffe is ter get oët gewèest in Kinder. Dao waas namelik ein groëwte groep vrouwminse hiëj die dao echt van koste geneete.

“Het hoëshaoje is neet miër hetzelfde zōnger diëj spellekes oppe tillevisiëj,” zoë luidj het biëj de actiegroep ‘KVVB’ (Kinderse Vroluuj Veur Bespellekes). Lèen vanne Knip, veurzitster van dèzelfde actiegroep is sinds begin 2011 hiëlemaal de kluts kwiët. Hèt meindje zelfs detse oët eine condoomottomaat mèt ein èerbiër op ouch echt ein bekske èerbiëre zouds kinne trèkke. Euverlèst waas Lèen zoë vanne kaart aaf det het den otto van Jean los de maïs in reej. Veur Jean waas toen duidelik de maot vol en hêe reep de KVVB biëjein in ziën lieving.

Ein oplossing waas snel gevōnje. Twië kiër inne wèek kōme de vroluuj vanne KVVB noëw same in Knip ziën graasj òm bespellekes te speule. Lèen presenteertj en Heidi van Tattoo Jos puktj den tillefoon op. De anger vroluuj belle ter op los en jage de tillefoonrekening van Jean de huugtje in. Jean vindj det echter allemaal gein probleem. “Lèen is saoves eindelijk weer ins te genieete en de BMW stuit veilig en waal inne graasj. Dao kwaan verdomme tot veurige wèek nog maïshaor oët de radiateur!”

Es ter nog Kinderse vroluuj zeen diëj mèt wille speule mèt de KVVB: gèe kintj eedere deensdig en dōnderdig verzamele biëj Jean vanne Knip achter. Naoderhandj is ter koffie en vlaai biëj Monza!



Het môtmentj oët 40 jaor Kinder volges:



Det wêe mèt Kinder de
alleriërste punaise in
het verkiër hóbbe gezat

Hubert Brouns

Chalermish

Het môtmentj oët 40 jaor Kinder volges:



Miën verkeezing tot Prins 2012, of viltj det
ônger 41 jaor Kinder?

Prins Dirk II

Chalermish

Het môtmentj oët 40 jaor Kinder volges:



Es ich miën ouge toëw doon zeen ich
hiël diëj 40 jaor weer veurbiëj kôme!

Chantal

Chalermish

Môppe

➤ 2 Hollandse homofiele koffieboëne zeen gaas aant gèeve. Zeet de eine tege de angere: “Douwe, Egbert. Douwe!”

➤ Thieu Christis heet nog noëits sex gehad en Jack wiltj hum helpe. “Kôm, Thieu, ich trakteeer dich ins biëj de Fra Mauro in Mezeik,” zeet Jack en hêe paktj Thieu mèt. Thieu stuit al snel op ein gezellig ingerichte kamer mèt ein van de mèegtjes. Het wècht vreugt waat hêe gèer heet en hêe zeet: “Det ich het neet weit, ich hób det nog noëits gedaon.”

“Wètse waat,” zeet hêt, “Wêe zulle beginnen mèt 69!” Thieu geit ligge en het vrouwke geit vol euvergave aane gang. Thieuke begintj ouch get te lekke tot hêt in ins ein sjeetje môt laote. “Proooooot...”, recht in ziën gezicht. Thieu môt ter efkes van op aojem kôme en duit den toch mer door. Nog gein 30 secônde is het weer van det: “Vrôôôt...” Thieu vluugtj recht en zeet: “Stop ter al mer mèt, want es det nog 67 kiër môt hoofj het neet miër veur mich!”

➤ Thieu Kunnen is bômpa gewore. Roland Dirckx vanne Rappetappers is get mèt hum aant lache: “Noëw bèste echt al eine ouje kèrel. En vanaaf noëw moogse langs bômma sloope!”

Thieu antwoordj: “Langs bômma sloope is toch neet erg, van bômma moogse altiëd miër!”

➤ Miel vanne Lunchbox heet erectieproleme en Lisianne steurtj hum nao dr. Bullen. Hêe lègtj dao ei bitje besjaamdj ziën probleemke oët. “Mer Miel, det is toch allemaol neet zoë erg. Hóbse al oëits van Viagra gehurdj?,” zeet Fôns. “Nêe,” antwoordj Miel. Fôns lègtj het hum allemaol van naoldj tot draod oët en sjriëftj ein doës blauw pillekes veur. Ein wèek later geit biëj dr. Bullen de deurbel. Miel stuit veur de deur mèt eine boekée bloome en ein gooj fles wiën. Hêe straoldje van còntentement. “En,” zeet Fôns. “Waat zag Lisianne ter van?”

“Diëj hób ich nog neet gezeen, ich ben nog neet toës gewèest!”, lachtj Miel.

➤ Ôs jeugdprinseske Laura heet good heur bèst gedaon oppe sjoël en ze maag met ma bjun nao de speelgoedwinkel. “Kees dich mer ein noëw Barbiepôp,” zeet Sabine. Ze haaije bliëkbaar chance, want aan de rèk vanne Barbies hingj ein plakaat: 50 % op alle Barbies, alles aan 20 euro. Laura begintj te zeuke: Barbie geit sjaatse, Barbie weurdj coiffeus, Barbie geit stofzuige, ... dao ligj vanalles in dèe rèk. Inins heet ze ein pôp gevônje: Barbie geit sjeije!

Ma Sabine kiëktj nao de priës en versliktj zich bekan: 200 euro! Ze reuptj de verkouper biëj zich en begintj heure klaagzank. “Det kintj toch neet! Alles ligj hiëj aan 20 euro en allein op dees doës stuit 200 euro!”

“Nèenèe, det is de juiste priës,” zeet de verkouper. “Want biëj Barbie geit sjeije kriegse ouch Ken ziën hoës, Ken ziene otto en ziëne boët.”

➤ Wendy van Jos Houben kumptj in het Rôndj Puntj, bestèltj zich eine Bacardi cola en begintj nao elke slôk te glundere en te lache. “Wauw, 30 daag, neet te geluive,” zeet het.


Christel is noëwsjierig en vreugtj: “Waat bedoelse, 30 daag?”

“Waal,” zeet Wendy, “ich hób eine puzzel inein gezat op 30 daag, en oppe doës stông 3 tot 5 jaor!”

➤ Wiej kinse ei broëd aant kalle kriegse? Mèt voicemeel!

Goegel straatzicht lègtj ugge privé bloët!

Ouch in Kinder is het ottoke van Goegel flink aant rônd riëje gewèest. Op alle straote en van alle gevels trokke ze foto's diëj de mèn van Goegel gebruuke veur hun websaait 'Goegel Straatzicht'. Det de luuj van Kinder duidelik neet oppe huuëgdje wore toen diëj foto's getrokke zeen bliëktj oët waat ter allemaol op internet stuit. Wèe vanne Rabbedabbers zochte ein deil sjoën foto's oët van ôs Kinder door de ouge van 'Goegel Straatzicht' en ginge op zeuk nao het verhaol achter diëj beeldje!





önger zitte!



Noëwe inrichting veur de ierstegraadsjoëwl in Kinder!




en Cleeren wille naaks gaon bowlen. Jaak wètj
m vanne wèt mer Cleeren en Quix höbbe sjaal!



Guy Martens heet bliëkbaar toch nog get zwart geldj euver
nao de verboëwinge vanne bèkkeriëj!



ëj ex-prins Jos!



Danny Kunnen heet ein carport op het gelèeg môtte zètte ömdet ziën wagens
neet miër inne carnavalsloods passe!

Wistj gèe...

... Det Danny en Debke van de Rappetappers op 11/11/11 òm 11 nao 11 getrouwdj zeen en det wèe hun ei lank en gelökkig lèeve same winse!

... Det de redaksie de volgendje wuilese wiltj bedanke veur hun biëjdrage: Jo Kwaspen en Jaak Jacobs veur de mômpe en flauwe zeiver. Marc 'Cholerisch' Meurs heet dit jaor weer fantastisch sjoëwn foto's getrokke en heet ouch veur de affiche gezörgdj. En ten slotte is ouch Rob Terium bedanktj veur de sjèele zeiver oppe sjoëwl en biëj Bèr!

... Det wèe aafgeloupe zomer in Kinder eine zomercarnaval hõbbe gehad, mèt dank aan ex-Prins Jos III, de lede van òs eige Rabbedabbers en alle anger vereininge en helpendje henj!

... Det Eddy Coonen eine man van ziën woord is. Hèe haaij gewèdj det es Jos Tattoo Prins zou wèere hèe ein jaor biëj de Raod van Èllef zou kòme en det heet hèe ouch gedaon!

... Det oppe zitting Dries Terium heet gezörgdj veur de technische steun veur de optreejes van de vroluuj vanne raod en de aod Prinse, de jeugd en de Rabbedabbers! En wèe hum òm hum te bedanke 2 bek Duvel hõbbe gegèeve. Het leeggood moogse houje, Dries!

... Det Bert 'Platte' Stephani òs noëw lid biëj de Raod van Èllef is!

... Det de Rabbedabbers al hiël get jaore ein websaait hõbbe en det ter noëw ouch al effe eine Feejsbookgroep is?

... Det wèe òs ex-Prinsepaar Jos III en Heidi I bedanke veur ein super-de-luxe jaor plezeer!

... Det wèe det ouch kinne zègge euver òs ex-Jeugdprinsepaar Lennert I en Lisa II! Bedanktj veur ein machtig sjoëwn jaor!

... Det oppe zitting Marijn Pouls en Hanne Steijven al 5 jaor same wore! En det wèe hun efkes geveerdj hõbbe!

... Det Danny Kunnen nog wèerser is es vaajer Thieuke!



Tattoo Jos in paniek nao doortocht Sinterklaas!

Nao Sinterklaas waas ter biëj Jos Tattoo volle bak paniek aane koëi. Ein paar maondj veur de 6dje december haaij Jos get gelèeze euver de hormonespiegel biëj kinjer. Het blijktt det sjoklaate eine sexvanger is. Door het èete van sjoklaate make de hersene namelijk dezelfdje stof aan es ònger de sex.

Toen Jos op 6 december ònger kwaam en merkdje det allein Jay-Dee ziën sjoklaate lètters aant opèete waas sloog ziën hart ein paar slèeg euver. Cheyenne waas normaal gezeen door het gek hèer es ze ei ferm stök sjoklaate zaag ligge, en dit jaor zaat het röstig aane taafel ei koffieke te drinke. Zou het...???



Laote wèe ein compromis sloëte: dich duis alles waat ich zèg en ich zèg alles waat des dich mós doen.

Det heet diëj van mich ouch ins veurgestèldj. Lache en nèe sjödde, Bart!

Môppe

➔ Nao ein kèttingbòtsing aane punaise in Kinder wore ter tiëntalle doëie. Ouch Tom Prenen en Evelien Truijen staon veur de poort vanne hemel te wachte. Sint Pieter zuut det het drök is en reuptj: "Ich wil det alle manskèerels in twië riëje gaon staon: links diëj waat de baas wore in hoës en rechts diëj waat ônger de slôf vanne vrouw hóbbe gelèege. Alle vroluuj gaon door nao het volgendj lokèt.

Nao ein paar minute wore alle vroluuj weg en stônge ter twië riëje manskèerels: ein kilomèeters lange mèt vente diëj ônger de slôf hóbbe gelèege en inne anger riëj stông allein Prenen.

Sint Pieter hooltj God ter biëj en dèe is alles behalve còntent. "Gèe môtj uch sjame! Ich hób uch gemaaktj ôm leijing te gèeve en ôm aan het hoofdj vanne familie te staon! Gèe zeetj neet gehuurzaam gewèest en voldootj neet aan miën wins. Dao stuit hiëj toch eine dèe volduit: liër van hum!"

God richtj zich vervolges tot Tom en vreugtj wiëj hèe ter waal in geslaagdj is ôm in de gooj riëj te kòme.

"Ich môs hiëj gaon staon van Evelien," antwoordj Tom.

➔ Tè Segers ligtj in Zorgvliet op ziën bèd van ziëne oujen daag te geneete. Inins begintj hèe te rope: "Koksijde, Oostende, Middelkirke, Den Haan, ..."

Thea van Jo Kwaspn, det wirkjt in Zorgvliet, kumtj de kamer binne. Tè heet hiël het bèd ôngergesjete!

"Mer Tè, haai toch achter ein van de panne gerope!" zeet Thea.

Tè antwoordj: "Dju, ich wis det het aane zië waas, mer ich kwaam ter neet op!"

➔ Lennert Jaroszewski stuit biëj apothiëker Staeren. "Veer doëze condooms in versjillendje maote estebleef!"

Den apothiëker is ei bitje van slaag en zeet tege Lennert: "Ten iërste reuptj men neet zoë, ten twiëdje is det niks veur klein kinjer en ten dördje steur mich pa bjuch mer veur diëj condooms."

Lennert leutj zich echter neet ôntmoedige. "Ten iërste hób ich inne sjoëwl geliërdj det ich hël en duidelik môt kalle, ten twiëde is det niks VEUR kinjer mer waal TEGE kinjer en ten dördje geit dit pa bjôs neet aan. Ze zeen veur miën ma diëj morgje ein wèek nao Spanje geit!"

➔ Jurgen Caris kumtj ei kot inne nacht toës van ein tòn van Dave Bullen biëj Malpertuus. Anneke is lèstig en zeet: "Awaal, menneke, hoë hõbs dich zoë lank gezèete?"

Juca vreugtj hiël geheimzinnig: "Sjat, kinse zwiëge?"

"Jao Jurgen," zeet Anneke hiël noesjiërig.

"Waal, zwiëg den!" antwoordj Juca.

➔ Tom van Lee heet zich ter ein biëjein gedaon op het Prinsebal vanne Rabbedabbers. 3 van ziën zaodcelle zeen ôngerwèeg nao de baarmooder. Den iërste zeet: "Es ich win hoop ich det ich eine jông wèer." Den twiëde: "Es ich win hoop ich det ich ei mègtje wèer!"

"Röstig manne, röstig. Wèe zeen nog mer inne slòkderm," antwoordj den dördje.

➔ Né Brouns vreugtj aan Brecht Vanhoef of hèe gein zin heet ôm biëj het zangkoër te kòme.

Brecht vreugtj waat det precies inhultj. "Lekker get pintjes drinke aan het buffet en get môppe vertèlle," zeet Né Brouns

Brecht: "Ah, en wienië weurdj ter gezônge?"

Né antwoordj: "Det doon wèe es we heivis gaon!"

Het mômentj oët 40 jaor Kinder volges:



Det in diëj 40 jaor de wèereldj is opgewòrmdj, dao merk ich niks van.

Jos Moubax

Het mômentj oët 40 jaor Kinder volges:



Ich es greuntje- en fruitleefhóbbber vônj het prachtig det ôs Kinder de aspergegemeindje van Belsj is gewore!

Math vanne Kwasp

Het mômentj oët 40 jaor Kinder volges:



Ich dink nog dèk trök aan det jaor det ze kabel gelag hóbbe in Kinder en det VTM begos. Den Bômpa, Tiën ôm te zeen, HT&D, ... Dju, gelache toen!

Ivo Theijs

Môppe

↔ Pé Fiddelèers en Brigitte zeen in Spanje op vakansie gewèest en zeen weer op wèeg heives. In de taxi oppe vleeghave vreugtj de chauffeur woë de reis hèer geit. "Nao hoës," zeet Pé.

Ziën vrouwke Brigitte, die achter zitj en door de radio neet good huuërtj vreugtj: "Waat zeet er?"

"Hèe vreugtj hoë wèe hèer gaon!"

Den vreugtj de taxichauffeur: "En in waat dörp môt ich den zeen?"

"In Kinder," zeet Pé.

Brigitte weer opnoëw: "Waat zeet er noëw?"

"Hèe vreugtj hoë wèe woëne."

Vervolges zeet den taximan: "In Kinder? Dao hób ich oëits de slechtste sex van miën lèeve gehad!"

"Waat zeet er?" vreugtj Brigitte alweer.

"Det hèe dich nog kintj van vreuger!"

↔ Martine Timmermans van de Maasköpkes heet Sammy gedumtj en heet ein noëw leefste: de zoon van eine begrafenisòndernummer. Ze zeen al ein tiëdje same en gaon veur de iërste kiër mèt ein nao bèd. "Leeveke," zeet dèe jông tege Martine, "maag ich ter hum zoë instèeke of môt ich hum iërst aane familie laote kiëke?"

↔ Dorien tege Mathijs Maes: "Ich wil aafvalle."

Zeet Mathijs: "Sjrief dich in bij miss Belsj!"

Dorien: "Veurwaat det?"

"Den vilse drek aaf!"

↔ Math van Heijmans stinktj versjrikkelik oët ziëne môngdj en môt van Christel van 't Rôndj Punt nao dr. Bullen.

Dr. Bullen bekiëktj het hiële geval en geuft Math de raad:

"A: de stops ònmiddeljik mèt op dien nèegel te biëte. B: en de stops mèt aan dien vot te dabbe!"



Wistj gèe...

... Det aafgeloupe jaor ôs iërelid Veus Peerlings is gestorve en det wèe door hum hiëj te vernumme nog ein lèste karnavalsiër wille betuige. Bedanktj veur alles, Veus!

... Det wèe Christof oppe zitting hóbbe oëtgerope tot Ridder! Christof: bedanktj!

... Det Koen Quix en Bart Neel dit jaor zeen verkoze tot Kroëwnridder binnen de KVRK. En det det een òngersjeijng is veur luuj mèt grôte verdeenste veur de carnaval in Kinder. Manne: bedanktj!

... Det wèe veurig seizoen in Kinder 3 Prinse hóbbe gehad? Ouch Prins Christof vanne KVG heet er namelijk ein sjoën

jaor van gemaaktj. Christof is trouwes lid van Revalma en det stuit veur Revalidasiej Maaslandj.

... Det 11 jaor geleeje Jean van Eygen en Marie-José Pagers Prins en Prinses van Kinder wore. En det ze det same deeje mèt het Jeugdprinsepaar Sean Steensels en Jacintha Brand.

... Det 22 jaor geleeje 'Lange' Né Lantmèeters en Lisette Snijkers ôs Prinsepaar waas. En det Danny Bakkers en Inge Brouwers dèt jaor het Jeugdprinsekoppel waas.

... Det 33 jaor geleeje Pool Janssen groewte Prins van Kinder waas. En det Pool

zich toen ouch òntfermdje euver ziën Jeugdprinsepaar Jos Vandael en Linda Eerdekens

... Det Pool, Jean vanne Knip en Jan Linsen de godfathers van ôs vereniging zeen. Det det neet wiltj zègge det het aoj luuj zeen, mer waal det wèe ze hiël hoëg hóbbe zitte!

... Det de KDR-crew dit seizoen 11 jaor bestit. En det det ei fiëstje wèerd is!

... Det de Bende Van Kinder is same gesmolte mèt eine groep oët Ophoven en det ze veurtaan door het lèeve gaon es 'De Maasköpkes'!



Zinge ônger den doesj binnekort tege betaling.



Alles weurdj deurder, de wirkmins betaaldj langs alle kante de rëkening! Alles waat desse duis: dokke zulse! Nao de mazoet, het broëd, de stroom, het water, het beer en de takse weurdj noëw ouch het zinge ônger den doesj deurder.

De luuj van Sabam hōbbe ein paar maondj geleeje ein test gedaon biëj ein aantal Kinderse hoëshoujes. Inne doesj weurdj door Sabam ein volottomatisch waterdicht zangdeteksiesysteem gehange det registreertj door wëem, wiëniëj, wiëjveul en wiëj good ter gezōnge weurdj. Driëmaondjeliks kriegse ein rëkening opgesteurdj.

Nao de testfase zeen ter ein aantal minse flink versjote van waat det zinge allemaol kostj. Dao is in ein aantal gezinne ei flink weurdje gekaldj. Mer, veur zake waat geldj koste zeen ter altiëd goojekoupere oplossinge te vinje en dao weurdj hiël get oëtgevèete ôm mer get veurdeiliger aaf te zeen. Wëe vanne Rabbedabber hōbbe ôs leecht ins opgestoke en ginge ein aantal deure aaf ôm ins te vraoge waat de luuj zoëal verzinne.

Thieuke Nijs probeertj sinds kort te rëppen ôm de priës te drōkke. De dochters van Ed Smeets mōtte vanaaf noëw verplichtj in bad gaon. De bekskes veur het zinge in bad kōme ter namelik pas kōmendj jaor. Wielke Fiddelëers maag van ziën vrouw allein nog mer mèt kaod water doesje. Sinds diëj verplichting is ingevurdj heet Wiel aaf en toëw ei geurke rōndj zich hange. Kay en Ellen hōbbe zich door Tony Vanwijck eine twiëdje doesj laote installere aane graasj en zinge vanaaf noëw int zwart. Biëj Monza zeen ze veural het positieve aan deze noëwe taks. Nao de verboewinge hōbbe ze eine groëte inloupdoesj laote installere veur de klante en bezoekers vanne kantien. Ômdet Monza toch al Sabam betaaldj op waat ter gedreijjt weurdj, mōtte ze geine extra taks betale veur het mètzinge ônger de doesj. Eederein dëe zich wiltj gaon wasse biëj Monza is van harte welkōm. Gëe mōtj waal uch eige waslëpke en handdeuk mèt bringe.

Môppe

♣ Martine van Stefan Thaens stuit inne keuke en duit de eikes inne pan op het veur. Stefan kumtj ônger en löptj de keuke in. Martine duit snel heur bôks ômlieg, lègtj zich hiël appetiëtelik oppe keuketafel en zeet tegen Stefan: "Kôm miën mênneke, pak mich ins lekker hiëj inne keuke!" Steef ziën ouge blinke. "Wauw, het is miëne gelöksdaag!" dinktj hêe. Hêe paktj de koëw biëj de horens en geit aan hum. Nao det alles achter de rög is duit Martine snel heur bôks trög aan, geit nao het veur en zeet hiël druug: "Bedanktj!" Stefan vreugtj hiël van ziën mèlk: "Waat heet dit te beteikene?" Martine antwoordj: "Den eierwèkker is kepot, wiëj môt ich anders weite det de 3 minute ôm zeen?"

♣ Jeroen 'Kuup' Kuypers, Dries Terium en Brecht 'Tubby' Tindemans ligge aan het naaktstrandj es ter inins ein groepke jông vroluuj oët Kinder aafkumtj. Dries en Tubby goëie snel hunne handdook euver hun naaks spel. Kuup goëitj ziëne handdook euver ziëne kop. "Ich weit neet whoë diëj vroluuj uch aan herkinne," zeet Kuup, "mer mich kinne ze allein van gezicht!"

♣ Danny Kunnen laag pas in het hospitaal en toen de verpleegster kwaam zag hêe: "Ich hób nogal ein genant probleem. Oëtlègge waat het is dörf ich neet mer esse be-loofs neet te lache laot ich het dich zeen." "Nateurlik zal ich neet lache," zag het verpleegsterke, "Ich bèn eine professioneel. Ich wirk hiëj al miër es 20 jaor en ich hób nog noëits mèt eine dèe krank is gelache." "Good dèn," zag Danny. Hêe trok ziën bôks aaf en hooldje ziën spel nao bove. Ziën dingske waas neet groëter dan ein AAA-batteriej... De verpleegster kos zich neet ônger control houje en begos te giechele. Oëteindelijk sjoot ze keihèl inne lach. Tiën minute later waas ze weer capabel ôm zich te herpakke en ôm heur gezicht trök inne ploëi te lègge. "Sorry," zeet hêt, "ich weit neet waat mich euverkwaam. Ich beloof dich det het neet miër zal gebeure. Vertèl mich noëw ins, waat is zjust het probleem?" "Hêe is hiël gewolle...", zeet Kunnen beteuterdj.

♣ Tony Denier en Suzy hóbbe wiëj eederein waal wètj twië prachtige dochters: ex-jeugdprinses Lisa en heur zösterke Julie. Ronny en Suzy wouwe ouch gèer eine zoon hóbbe en nao veul maondje probere raaktje Suzy eindelijk in verwachting. Nege maondje later woor ter eine zoon gebore! Ronny kiëktj in het weegske ôm ziëne zoon te bewôndere en sjriktj zich kepot: het liëlikste kindj waat hêe oëits gezeen haaj! Hêe geit snel nao Suzy en zeet det hêe noëits de vader kan zeen van zoë ein liëlik kindj. "Bekiek ôs knappe dochters ins!" zeet Ronny mèt ein bedinkelik gezicht. "De hõbs mich toch neet bedônderdj, hêe? Suzy lachtj ins en zeet: "Nèe, Ronny, deze kiër neet..."

♣ Thei Gitaar ligtj op sterve. Zien vrouw, Carine hiltj langs ziën bèd de wacht. "Carine," zeet thei, "Och môt dich get bekinne." "Stil mer," zeet Carine, "Dich mós dien krachte spare." "Nèe, nèe, het môt mich noëw van miëne lèever," en mèt ziën lètste krachtingspanning zeet Thei: "Ich wil mèt ei gestort hart sterve. Ich... ich hób mèt dien zöster gesloope, mèt dien bèste vriendin en mèt ma bjuch..." "Det weit ich," zeet Carine. "Daoveur hób ich dich ouch vergiftigdj."



"Van Vlijmen en Pé Hoedemakers gaon op wintjersport..."

"Ich hoop det het good get heet gesniëdj in Oësteriek..."

"Des nog niks, Pé. Ich hoop det de brouwer al langs is gewèest!"



"Familie en vrunj make zich zörg euver: "

Jean vanne Knip



"Familie en vrunj make zich zörg euver: "

Pool Frit



Dônderdig 16 fibrewariej 2012
Dialectoëtzending
radio Monza
 Van 13 tot 19 oor

Zôndig 19 fibrewariej 2012
36^{ste} stoet
 Vanaaf 14 oor

Maondig 20 fibrewariej 2012
Verklèdj bal
inne fanfarezaal
 Gratis inkom
 Vanaaf 20 oor

Môppe

↔ Ton van Kimmenade is gestorve en ligt biëj Funerarium Vancleef op ein taofel. Prins Dirk II, dèe ein aantal maondje geleeje ein noëw carrière is begônne en noëw wirkjt es li-eksjuower, môt Ton wasse en klaormake veur de begrafenis.

Toen Dirk bezig waas duiter inins ein speciaal ôntdèkking: Ton heet werkelijk het grôetste geslachtsdeil detter oëits gezeen heet! "Sorry Ton," zeet Dirk, "mer zoë eine enorme penis môt bewaardj blieve veur het naogelacht." Hèe paktj ein sjerp mes, sniedj Ton ziën spel teraaf en zètj hum op sterk water.

Einmaol aan hoës kintj Dirk neet wachte om de enorme woost aan ziën Prinses Inge te laote zeen. "Kiëk sjat! Ich môt dich get ôngelufeliks laote zeen!" "Miëne god!" reuptj Inge. "Ton is doëd!"

↔ Dominiek vanne Bôndj, Marc van Hoover en Jos Vandewal loupe al wêeke mèt planne ôm ins ein wiekend same ter op oët te gaon mèt ein tent. Ei bitje jage en vèsse, en veur de rest get wanjele en pinte pakke. Het innige probleem is de vroluuj euvertuuge. Nao get zèege en neeringe löktj het Bôndj toch ôm het inne sjacosch te kriege. Jos Vandewal kintj zoëwiezoë altiëd gaon en staon hoë ter wiltj. Allein Marc van Hoover maag van ziën vrouw neet mèt.

Ei bitje teleur gestèldj vertrèkke Dominiek en Jos het volgendj wiekendj het bos in. Es ze biëj het sjoën plèetske woë ze hun kamp wille opslaon aankôme zeen al ein tentje staon! Dao brandj ein kampveurke en Hoover is al eine vees gevangne vès aant klaor make!

Bôndj en Vandewal zeen bliëj en verrastj det Hoover ter is, mer ze zeen ouch noesjierig waat hèe heet môtte doon ôm toch mèt te moge gaon.

Marc vertèldj: "Gisteraovendj zaat ich dreuvig inne zèetel. Inins veuldje ich hènj veur miën ouge en Suzanne zag tege mich det ze mich ins snel zou laote opkikkere. Ich keek op en zaag Suzanne staon in ein sexy behaake en eine string. In heur ouge zaag ich eine ôndeugendje blik dèe ich al jaore neet miër gezeen haaij. Ze pôk mich mèt nao de slaopkamer, woë miër es 10 geurkèese stônge te branne dao stông ouch sjoëne meziëk op. Ze gaaf mich handboeie en zag det ich heur aan het bèd môs vastmake. Det hób ich den mer gedaon. Toen zag ze sjerp: "En noëw moogse doon waat desse mer wils." En voila: hiëj bèn ich den!"

↔ Ein paar jaor geleeje zitte Rob Steijven en Jacqueline saoves same nao de tillevisie te kiëke. Rob is neutjes aan het èete en probeertj ze eedere kiër in ziëne môndj te goeije. Inins stuutj Jacqueline Rob aan zjust es hèe weer zoë ein neutje goëitj en het kumptj in ziën oër terecht!

Mèt verwoedje poginge probeert Rob het neutje los te peutere mer wiëj hël hèe ouch ziën bèst duit, het kumptj allein mer deeper en vaster te zitte.

Jacqueline en Rob zeen serieus euver hun tore en wille al bekans dr. Hechtermans belle es op ins hun dochter Hanne toës kumptj mèt heure noëwe vriend: Marijn Pouls. Marijn bekiektj Rob, stiktj ziën twië vingers in Rob ziën naas en zeet: "Blaoze!" Het neutje vluugtj oët ziën oër.

Jacqueline is hiël vriëd en opgelöchtj. Ze vreugtj aan heure mins: "Dèe is good ônger zich oët, waat dinkse det zoë eine jông later zal wèere?"

Rob antwoordj: "Aane geur van ziën vingers te oordeile waarsjienlik ôzze sjoënzoon!"



Verantwoordellikke oëtgèever: vzw KVRK, 3640 Kinder. Redaksie Rabbedabber: Mark Hoedemakers. Dit Rabbedabberke is gedröktj biëj Drökkeriej Hugo Symons in Bree. De leejout is gemaaktj door Ria Froidmont, dèt wirkjt biëj drökkeriej Symons.